

SCRIPT OF EVENING GOJRI NEWS BULLETIN 20FEB 2025
1700HRS

اوننگ گوجری نیوز بولینٹن 20 فروری 2025

یوہ آکاشوانی جموں بے نصرت تے محمد اکرم تیں خبر سُنو۔

HEADLINES

- ۱۔ وزیر اعظم نریندر مودی ۱۲ فروری نانہہ نوی دہلی غا بھارت منڈاپم مانہہ پہلی وار سول رہنمائی کانفرنس غو افتتاح کریں غا۔
- ۲۔ وزیر اعلیٰ عمر عبداللہ نے کہیو ڈیزان یور ڈگری واسطے طلباء اساتزہ غی سوچ مانہہ تبدیلی ضروری ہے تانجے طلباء اپنی تعلیم خود طہ کرسکیں۔
- ۳۔ ستیش شرما نے مُنتخب قانون سازاں تے افسراں غے درمیان مضبوط تعاون غی ضرورت ور زور دتو۔
- ۴۔ ریکھا گُپتا نے نوی دہلی غا تاریخی رام لیلا میدان مانہہ دہلی غی نوی وزیر اعلیٰ غا طور ور حلف لیو۔
- ۵۔ جموں ہوائی اڈہ ادارہ تے جموں کشمیر آفات انتظامیہ نے کامیابی نال آفات تیں نمڑن واسطے ایک مشق کی۔

PM SOUL CONCLAVE

وزیر اعظم نریندر مودی پلک ۱۲ فروری نانہہ نوی دلی مانہہ بھارت منڈاپم مانہہ پہلا سول لیڈر شپ کنکلیو غو افتتاح کریں غا۔ بوٹان غا وزیر اعلیٰ دشو سرنگ مہمان خصوصی غا طور ور خطاب کریں گا۔ ۲ روزہ سول رہنمائی کانفرنس ایک ممتاز پلیٹ فارم غا طور ور کم کرے غو۔ جت سیاست کھیڈ فن زرائع ابلاغ روحانیت عوامی پالیسی کاروبار تے سماجی شعبہ تیں تعلق رکھن آلا رہنما اپنی متاثر کن زندگی غی کہانی سانجی کریں غا۔ ایہ کانفرنس تعاون تے فکری قیادت غو ماحول پیدا کرے غی جت کامیابیاں تے ناکامیابیاں دواں تیں سیکھن غو موقعو فراہم کیو جے غو تانجے نوجواناں نانہہ متاثر کیو جاسکے۔

CM WORKSHOP

وزیر اعلیٰ عمر عبداللہ نے اج جموں یونیورسٹی مانہہ قومی تعلیمی پالیسی ۲۰۲۰ واسطے اختراعی تدرسی مانہہ صلاحیت سازی مانہہ شرکت کی اس موقع ور خطاب کرتا واں وزیر اعلیٰ نے کہیو جے ڈگری لین آلا طلباء تے اساتزہ دواں واسطے زبنت گی تبدیلی کو تقاضو ہے طلباء نانہہ اپنا تعلیمی سفر واسطے باختیار بنانو اس تیں علاوہ لوکاں نانہہ موسمی تبدیلی غا بارا مانہہ دسن غی ضرورت ہے تے اس عالمی مشکل سنگ نمڑن واسطے بطور رہنما مہاری ذمہ داری ہے۔

UDH SATISH

ٹرانسپورٹ غا وزیر ستیش شرما اج ڈپٹی کمشنر دفتر کمپلیکس غا کانفرنس ہال مانہہ ایک جائزو میٹنگ گی صدارت کی وزیر موصوف نے اج عوامی تعمیراتی صحت دیہی ترقیات محکمہ تعلیم زراعت یعنی کھیتی باڑی مال چوکھر محکماں تے جل جیون مشن گے علاوہ کئی محکمہ گے ذریعے چل رہیا کماں غو تفسیلی جائیزو لیو متعلقہ حلقاں غا اراکین اسمبلی نے

اپنا بکھ بکھ شکایات تے مطالبات پیش کیا اس موقع وع خطاب کرتا واں وزیر ستیش شرما نے مُنتخب قانون سازاں تے افسراں گے درمیان مضبوط تعاون غی غرورت ور زور دتو تے کہیو کہ عوام گی امنگاں نانہ پورا کرن تے ضلع نانہ ترقی پزیر اقتصادی مرکز مانہ تبدیل کرن واسطے قریبی تال میل سنگ کام کریں انہاں نے کہیو۔

COAS JK SITUATION

رفوجی سربراہ اوپیندر دیویدی نے کہیو جے بھارت سال ۲ ہزار ۴۱ تیں قبضہ لکیر ور پاکستان گے سنگ گل بات مانہ پُر زور رییو بے خیراں آلا شعبہ سنگ گل بات کرتا واں فوجی سربراہ نے کہیو کہ ہُن بھارت اتنو جارہانہ بے کہ اگر پاکستان اشتعال دے تانہ منہ توڑ جواب دے سکیں۔ جنرل دیویدی نے مزید کہیو جے جموں کشمیر مانہ اگست ۲۰۱۱ مانہ دفعہ ۰۷۳ گی منسوخی تیں بعد دہشت گردی گی تعداد تے مقامی نوجواناں گی بھرتی مانہ کمی آئی بے تے لوکاں نانہ ہُن شناخت غا سلسلہ مانہ کوئے گبراہٹ نہیں بے۔ فوجی سربراہ نے دفعہ ۰۷۳ غی منسوخی تیں پہلاں جموں کشمیر گا لوکاں گی شناخت گی مثال دتی۔

ANNOUNCEMENT

علاقائی خبراں آلو شعبو آکاشوانی جموں غی طرفوں ضلع کٹھوعہ واسطے عارضی نامہ نگاراں یعنی پی ٹی سی غو پینل بنان خاطر درخواست منگی گئی ہیں۔ مجوزہ پرفارمہ ور عارضی نامہ نگار غی پوسٹ مانہ دلچسپی رکھن آلا ایسا امیدوار درخواست دے سکیں گا جہیڑا ضلع کٹھوعہ گا بسنیک وین تے اُن غی عمر غی صد ۴۲ براں تے ۰۵ براں توڑی مقرر کی گئی بے پی ٹی سی غی اس پوسٹ واسطے تعلیمی قابلیت پی جی ڈپلمو یا صحافت غا شعبہ مانہ ڈگری یا پھر تسلیم شدہ یونیورسٹی تیں گرجویشن غے ہمراہ ۲ براں گو صحافت مانہ تجربو مقرر کیو گیو بے۔ اس تیں علاوہ کمپیوٹر تے وڈ پروسیسنگ نالے خبر اکٹھی کرن آلا آلات نے میڈیا کوریج مانہ تجربو وی ضروری بے۔ عارضی نامہ نگار غی پوسٹ مانہ دلچسپی رکھن آلا امیدوار واسطے لازمی بے جے ضلع صدر دفتر کٹھوعہ یا اس تیں ۰۱ کلو میٹر غ ادانرہ غے اندر رہائش پزیر وے اس سلسلہ مانہ درخواست غی ہاڈ کاپی ضروری دستاویزات غے ہمراہ ہیڈ ریجنل نیوز یونٹ آکاشوانی پنجترتھی جموں مانہ بزات خود آئیندہ ۷ مارچ ور www.newsonair.gov.in توڑی دے سکیں۔ اس بارے مزید جانکاری ویب سائٹ دستیاب بے۔

DELHI NEW CM

بھارتی جنتا پارٹی غی پہلی واری قانون ساز ریخہ گپتا نے اج دوپہر دہلی غا مشہور رام لیلا میدان مانہ نوی وزیر اعلیٰ غا طور ور ضلع لیو دہلی غا لیفٹیننٹ گورنر وی کے سکسینہ نے انہاں نانہ عہدہ غو حلف دوايو اس موقع ور ۶ کابینہ وزراء پرویش صاحب سنگھ آشیش سود مجیندر سنگھ سیرسا راویندر اندراج سنگھ کپل مشرا تے پنکج کمار سنگھ نے وی حلف لیو۔ وزیر اعظم نریندر مودی مرکزی وزیر داخلہ مات شاہ وزیر دفاع راج ناتھ سنگھ تے کئی مرکزی وزراء نے تقریب مانہ شرکت کی مختلف ریاستاں گا وزیر اعلیٰ تے نائب وزیر اعلیٰ وی موجود تھا۔ حلف لین تیں بعد ریخا گپتا دلی غی چوتھی خاتون وزیر اعلیٰ بن گئی اس تیں پہلاں سُشما سوراج شیلا دکشت تے اتیشی یوہ عہدو سنبھال چکی ہیں۔ ریخا گپتا بی جے پی غی جانب تیں دہلی غی دوسری خاتون وزیر اعلیٰ بے وزیر اعظم نریندر مودی نے ریخا گپتا نانہ دہلی غی وزیر اعلیٰ بنن ور مبارک باد دتی اپنا سماجی پیغام مانہ جناب مودی نے کہیو

کہ گپتا نے نچلی سطح ور محنت کرغے یوہ مقام حاصل کیوہ بے اُنہاں نے پائی ریاستی تنظیم مانہہ اہم کردار ادا کیوہ اس تیں بعد بلدیاتی انتظامیہ مانہہ اپنی خدمت انجام دتے تی پھر ہن رکن اسمبلی بنی تے وزیر اعلیٰ غا عہدہ تک پُچ گئی ہیں۔ وزیر اعظم نے اعتماد ظاہر کیوہ کہ ریکھا گپتا دہلی غی ترقی واسطے پوری محنت تیں کم کریں غی۔

MOCK DRILL

بھارت غی قومی آفات انتظامیہ جموں ہوائی اڈہ ادارہ تے جموں کشمیر آفات انتظامیہ نے ۹۱.۸۱ فروری نانہہ آفات تیں نمژن واسطے ایک مشق منعقد کی۔ تمام متعلقہ شراکت داراں تے مختلف اداراں نے زلزلہ غی فرضی مشق مانہہ حصو ليو جموں کشمیر غی آفات انتظامیہ کسی وی صورتحال نال نمژن واسطے تیار بے تے باقاعدگی نال مشق کر رہیو بے جن مانہہ سامان تے مدد گار کارکن غی آمدرفت شامل بے۔ ۲ روزہ فرضی مشق غے دوران مختلف متعلقہ شراکت داراہ آفات غی تنظیمان تے مدد گار کارکنان نانہہ ایک ہی جگہ ور لایو گیو تانجے موثر تے بروقت صلاحیتاں غو بہتر استعمال کیوہ جاسکے۔

REASI NEW LAWS

نوا بنایا گیا قوانین غا بارا مانہہ لوکاں نانہہ آگاہ کرن واسطے اج جنرل زوراور سنگھ ڈگری کالج ریاسی مانہہ ایک معلوماتی پروگرام منعقد کیوہ گیو۔ اس پروگرام غو مقصد طلباء اساتذہ تے عوام نانہہ ان نوا ۳ قوانین غا اثرات اہم دفعہ تے فائدہ غا بارا مانہہ سمجھانو تھو۔ پروگرام مانہہ سوال جواب غو اجلاس ہوو جن تیں شرکاء نے قوانین نانہہ آسانی تیں سمجھیو تے روز مرہ غی زندگی ور اس غا اثرات غا بارا مانہہ جانکاری حاصل کی۔ اس موقع ور اضافی ترقیاتی کمشنر ریاسی راکیش کمار نے ضرائع ابلاغ نال گل کرتا واں اس طرح کہیو۔

KATHUA JOB FAIR

ضلع انتظامیہ کٹھوعہ کل سب تیں برا روز گار میلہ کی میزبانی کرن آلو بے یوہ ایک تاریخی قدم بے جس غو مقصد مقامی ہنر تے صنعت کی ضروریات کے درمیان فرق ختم کرنو بے۔ آکاشوانی جموں گا نمائیندہ نے خبر دتی بے کہ مزکورہ تقریب ہنر مند تے قابل نوجوانان نانہہ ایک ہزار تیں متی آسامیاں گو موقعو پیش کرے گی۔ اس تقریب مانہہ بڑا صنعتی کھیڈاری جس طرح گودریج۔ ورن بیوریجز کریم بل۔ ال آئی سی تیں علاوہ کئی معرف تنظیمان کی شرکت وے گی۔ ڈپٹی کمشنر کٹھوعہ راکیش منہاس نے کہیو جے کٹھوعہ مانہہ یوہ اپنی نوعیت گو پہلو واقعہو بے کہ بکھ بکھ صنعتان نانہہ ایک ہی چہت کے تلے اکٹھو کیوہ جارہیو بے۔ اس سلسلہ مانہہ روز گار غا خواہشمند نوجوانان نانہہ بڑی تعداد مانہہ روز گار میلہ مانہہ شرکت کی اپیل کرتا واں کٹھوعہ غا قانون ساز ڈاکٹر بھارت بھوشن تے بیلاور غا قانون ساز ستیش شرما نے اس طرح کہیو۔

BADHAAL QUARANTINE

راجوری ضلع گا بڈھال گراں مانہہ ۷۱ مشکوک اموات تیں بعد گورنمنٹ میڈیکل کالج راجوری مانہہ علیحدگی مرکز مانہہ رکھیا گیا آخری ۳۱ افراد نانہہ وی گزشتہ روز اُن غا گھراں مانہہ واپس بھیج دتو گیو بے۔ اس ۳۱ افراد غی واپسی غے نال گزشتہ ہفتہ غے دوران راجوری قصبہ غا ۳ مختلف علیحدگی مراکز مانہہ رکھیا گیا تمام ۳ سو ۵۹ افراد نانہہ اُن گا گھراں مانہہ واپس بھیج دتو گیو بے۔ اجیں تک اموات غی اصل وجہ معلوم نہیں ہوئی بے۔ حکام نے

اس معاملہ غی تحقیقات واسطے ایک خصوصی پولیس ٹیم تشکیل دتی ہے تے ملک غا اہم
طبی اداراں غا ماہرین غی وی مدد لی ہے۔ شک ہے کہ کھان غی چیزاں ماہہ نیوٹاکسن یعنی
زہریلو مواد ہوسکے۔
